


Huramentacion di mr. Ellis y mr. Evelyn Christina Wever -Croes

STA. CRUZ -- Ayera a huramenta como abogado den Corte Comun di Antiyas y Aruba, dos persona, esta mr. Ellis y sra. Evelyn Christina Wever-Croes, yiu di e conocido abogado na Aruba, mr. Hendrik Croes. Sra Wever-Croes ta un persona conoci den comunidad Arubano y a elabora den e alto función di Inspecteur der Belastingen pa despues supuestamente mester a bay fungi como e futuro Director di Impuestonan na Aruba, pero pa motibonan cu SDP ta prefera di no bay den detaye, no a tuma tal puesto pero awe pa varios aña ta elaborando felizmente

pa e Oficina di abogadonan Croes, Wever en Tchong. Tanto na mr Ellis como sra. Mr. Evelyn Christina Wever Croes, un feliz carera como abogado y hopi suerte pa ambos. Presidente di Corte den su discurso a elabora en corto ariba e significación di normanan di moral y ética den abogacía. Entre otro el'a trece dilanti cu na Hulanda a sosode recientemente cu un abogado a nenga di lanta para ora cu e tres Hueznan a haci nan entrada den Corte. E actitud ey di e abogado a wordo censura severamente. Según e huez bo no ta lanta para pa e Hueznan personalmente, pero pa e

hecho cu bo ta reconoce nan como e instituto cu ta representa e estado di derecho na unda cu nos tur ta reconoce decisionnan di huez y cu nan ta instancia mas halto den un estado di derceho pa loque ta e parti di Husticia. Bo por ta contra pero bo ta respeta nan decisión, sin kiek. Según e Presidente e no tin problema cu tin hende cu ta contra pero e ta pidi si pa trece bo remarcnan dilanti, of laga nan yega cerca e Orden di abogadonan pa nan sa kico ta pasando y pa nan ta na altura di e kiekmento.



Polis ta confisca papel di cien florin falso

STA. CRUZ --Polisnan dialuna anochi pa 12'or durante patruya a wordo para pa e gerente H. di Moomba Beach, cu a pidi asistencia. Esaki pasobra un cliente a paga cu un papel di cien florin falso. E homber H. a bisa polis cu e homber M.A.G. naci na Santo Domingo, ta esun cu a paga cu e placa falso. Polis a bay papia cune y

el'a bisa polisnan cu e no sa unda el'a haya e placa, pero ora cu polis a bay controla den su cartera, e tabata tin dos biyete mas di cien florin falso. Tambe e tabata tin un kaarchi di AZV cu no tabata riba su nomber. Polis a confisca placa y kaarchi di AZV y a lague bay. Polis tin su direccion y su nomber cual nan tin mester pa investigacion. Mientras cu

polis tabata atende e asunto di placa falso, e homber Mericano S.O. di 32 aña a acerca nan y a bisa polisnan cu un homber a dale sin ningun motibo na momento cu e tabata bayendo baño. El'a bisa polis tambe cu e homber lo tin un arma di candela color preto. Polis a mira cu S.O. tabata bao influencia di alcohol. El'a remarca cerca polisnan

cu e ta un ex militar y e guardia no a trate manera mester ta. Polis a papia cu e gerente y e guardia, kende a declara cu e persona tabata haciendo fastioso den e establecimiento y e guardia a sake pafor. Mientras cu e guardia tabata haci esaki, e homber tabata zwaai cu su braza y accidentalmente el'a dal S.O. Polis a haya descripcion di e persona aki

y a bay buske den vecindario. Polis a bin topa cune, E. van L. hunto cu un amigo F.K. di 23 aña. Polis a papia cu F.K. y el'a declara cu el'a haya cu e homber Mericano, como cu su casa tabata tira bista riba dje. Como cu e Mericano a bisa cu e tabata tin un arma preto, polis a listra na su curpa, pero no a haya nada.